

公啓者。本社開抽均益會。定例每月第一星期例會開抽。茲月之初六日例會已屆第三會期。緣因當日到者未及五人。與原定章程不符特遵原議。改期下例會再行開抽謹此佈聞
社長謹白

社 聞

●四月其例會情形 四月其星期日。爲本社例會期。是日到者。何君貫俠、朱君典五、徐君季直、陳君伯宏、徐君焯南、是日并無可議之事。先後叙誤而散。

●五月初六例會情形 月之初六星期日。於本社例會期。是日到者。何君貫俠。徐君季直。是日并無可議之事。先後叙而散。

貫俠曰。本社會所。厚欲同人交換智識。研究商業而設。凡屬同人。靡不公認斯旨而後入社。參觀以上兩星期例會到者僅得七人。且又先後不一。吾料同人欲遵其目的而收良效果。吾未之信也前者。鄙人有慨夫此。曾著有(對於本社星期例會之感言)篇(錄去年四十一期社書社說欄內)以勸我同人或者文牽有價。同人感吾言而興起。亦未嘗無少裨于大局。至貽外界之譏。吾試問我同人不惜此血汗之資而捐款入社。何取乎。吾謂舍兩者(兩者指交換智識研究商業)而外。無大可取者也。同人又何苦將有用之壹錢而等諸浪擲哉。請祈細味斯言而三復思之。

●入社四十誌 茲吳君洽溥。介紹李君應祥。(別字顯三、順德大良人、寓順德大良公和祥絲綢郵寄全)入社。又黃君清如。介紹譚君邇安。(別字祝平、年二十八歲、南海梧村鄉人、寓餘慶里敬誠絲莊郵寄全)入社。均經調查清楚。社長認可。李君已將五期基本金一

次交清。譚君亦要交第一期基本金矣。

●預交基本金十誌 茲李君顯三。已將五期基本金預交會計。發回完全社員收條矣。

●入社確查 茲何君熙林。擬介紹李君耀煌。(別字冕卿。年三十八歲。原籍南海人。附貢生。梧州會館街杏澤堂生熟藥店股東兼司事。寄籍梧州府蒼梧縣郵寄全。)入社。均經發調查矣合併登佈

●担認月捐本社經費九誌 茲譚君祝平。認月捐本社經費銀四毫。李君顯三。認月捐本社經費銀式毫。梁君清泉。認本年經費共二元四毫。李君瑞麒。認本年經費共壹元式毫。如數君者洵熱心矣哉。

貫俠曰。本社自遷會所。經費頗巨。其經費之由來。均賴同人輕財好義。踴躍捐輸。始幸而有今日。然凡舉一事幹一事。斷未能盡如人意。則不能強人所全。然以本社今昔觀之。吾不能無慨矣。本社同人地異志全。所賴以通聲氣者。厥為社書。所賴以揆智識與乎研究種種者。厥為會所。是二者誠本社之機關。同人之耳目。不可須臾無也。然自有社書與會所以來。西南一埠。同人商該埠者。約四五人。公經舉有調查。有謂未聞。有涓滴之助。今梁君清泉。(西南調查員)慨助本社月捐經費。然則西南一埠。亦非盡無熱心者也。

●預交月捐本社經費五誌 茲陳君伯宏。李君瑞麒。梁君清泉。各已將認定本社經費交清矣。

●已交第二期基本金二十二誌 茲陳君星泉。蒲君贊武。陳君伯宏。李君瑞麒。梁君清泉。徐君季直。各已將應交二期基本金交矣。未交者仍請從速交可也。

●已交三期基本金四誌 茲盧君福海。楊君敏達。楊君赤若。周君寅初。已將三期基本金

清交矣。未交者仍請從速安交。以裕經濟。則本社受賜良多矣。
●已領徵驗章號數四誌 (黎夙永五十號) (梁清泉八十四號) (梁卓雲九十九號) (李瑞麒七十七號)

●領徵驗章備回價值者四誌 茲黎君夙永。捐回徵驗章價銀三毫云。

●陳君立漢關心同社 陳君立漢自創設羣英茶樓于長堤。各東均以陳君誠實持重。頗得信用。惟陳君每于本社間置同人籌畫。可得而位置者。必關心焉。現已聘定同人梁君訓芳爲司拒。并延同人黎君夙永來省幫同料理一切。聞黎君安以同人之請。甚歡允就云。

嘯海按。羣英茶樓建築宏偉合度。爲長提茶店之冠。故其生意亦有應接不暇之勢。而其店事亦相因而繁冗不堪。陳君本非是行出身。而各東竟任之不欺者。蓋以其誠實沉毅故也。故陳君自任斯席後。忙勞常刑于色而尤奔走不計。是常人之所難。而其更難得者。于最紛繁辛勞之中而。斤斤爲吾社同人謀者。是又更而可敬也。噫是亦吾社尊重人品。有以堅陳君維繫之心歟。不然。誰敢以一面之交。而重託若是乎。可愛哉。吾社之宗旨。可仰哉。吾社之陳君。

●雙剪嚙毛巾代售之佈告 雙剪嚙毛巾。向爲本社同人陳君鏡湖所製。質地厚滑。純白久用。爲毛巾之冠。已爲各洋貨店所推許。惟出貨無多。所製幾不敷隣近所購。近日陳君特返鄉。實行擴充。日中起貨頗多。除交各洋貨店外。餘駐同人周君寅初致祥糖店代售云。同人如欲購用。祈按址往購可也。

●少年辦事當作如是想 同人呂君襄武。去年以少年之質而應鶴山沙坪商會文案之聘。該處間有頑糾舊商。于呂君初到之時。每多輕之。惟呂君年齡雖少。而其舉止辦事。莫不志成。精細並能立言得體。故每有事謁毀官。各商董羣舉代言。縣官初亦以其年少。及聞

其言論。不覺轉生欽敬。故現商會所辦艾全烟捐各均事。頗得乎。而一般輕呂君之紳商。立轉覺自慚云。

嘯海按呂君平素識。見頗真。英敏謙謹。觀其于商會上呈請免烟捐稿。(已誌前書)洋洋數千言。謂鶴山之烟雖絕。洋入之烟無窮。嗜慾之害未除。生計之窮已見。深中窳妄。非識見特高。何能道此。况呂君家本清介。讀書有限。而觀其于社書。間當所發言論亦動竊千言。其英敏可知又其應酬交際。立言謙謹。和藹可親。尤少年所誰關故鄙人常謂呂君非百里之才。非過言也。豈區區一商會文案。是其素志耶。吾同人如有辦事不根據法理。并拔屣驕情者。望之能不汗顏。

同人織布廠出貨之特色 同人黃君星曹。粗織天合織布廠于寶順大街。經已有年。頗著成效。已為社會所爭購。近日後再加改良。織出一種線布。光滑純爽。如絲綢。各色均有織就。見者莫不推為本省手機。唯一無二之貨云。

嘯海按。同人黃君星曹。沉毅老成。該織布廠貨物。可日而改良。已在意料之中。不期今該廠所出貨物。進步如是之速。不禁吾謂黃君不特沉毅老成。直腦力有過人者。喜哉。黃君之線布。范君亞通之柳條毛布。陳君之毛巾譚君光遠公司之化沙玻璃。四君。可為吾國實業界之大放光明者矣。

●正誤 第五十二期社書正誤(特告)弟以遠遊之故句弟誤第遊誤避又盛意思概句盛誤感(社聞)第二次開抽均益會題內乃開抽內益會句均誤內担任月捐社費題內張君仲棟句棟誤核又認捐籌立社址經費題內則本社自行建築句社中下漏一址中(函件)林偉泉上同志書按語內僕因感之句感誤惑(社說)論職員告退如本社何題內一部糴血史句濃誤糴又沙雅時代句稚誤稚(商業調查)德國商業之發達題內崇本抑末句崇誤嘗又鶴山菸業之近

社 說

無大局心之弊害

嘯 海

嗚呼。我中國之所以事事落人後。至墜爲第三等國者。國民無大局心貽之禍也。吾社之所以進步延慢。不能刻日騰飛地球上者。同人多無愛社心使之然也。我中國撫有廿二行省。土壤膏腴。人物殷庶。輒沾沾自足。不復思張國威而闢屬土。兵革坐是而不收。實業坐是而不振。民艱坐是而不恤。商務坐是而不興。我中國民。生於中國。圍于中國。而抵知個人。又不知大局。嘗見小康之家。席父兄之遺蔭。便夜郎自大。坐擁妻妾。終歲不出家庭。以爲可免於凍餒。國事衰弱置不理。于是蓬蓬勃勃之歐美立憲諸國。堅船利砲奪其魂。工商礦業吸其髓矣。遂至國帑不繼及于省。省及于府。府及于縣。縣及于市。市及于鄉。則吾民之生計日艱。農租之收入日寡。日用之欸日加。生齒之數日繁。則欲擁妻妾而未能也。始憬然悔前此之拙謀生計。不念國家。迨亦晚矣。恐面團團作富家翁者。以視世界上一咕哩而不及也。毋亦無大局之心自以致之矣。

雖然。事非經過不知難。印度處于熱帶。生殖繁茂。國民豐于衣食。懶惰性成。不知大局爲何物。而卒被英人以一商社而墟其國。日本處于區區三島。以爲人之屬土。國民用是不敢自逸。羣以大局爲念。而氣燄大張。歐人不敢正視。由是觀之。則吾中國之民心之生殖。實與印度同。而吾中國幸不致蹈印度之覆轍者。實幸藉印度爲之前車。國民經歷歐人之凌辱。遂有一息之提倡。故吾中國今日亦有一線之延也。噫大局心如是其重。吾國民尙不以爲念。其可得乎。須喪心病狂者。見夫歐人之鷲鳥猛獸手段。

。當亦有動于中也。

吾社一狹小社會耳。然將來之發達。收效之廣大。與商富國。實非可限量者。然觀乎吾社之社員。大都開通有爲之士。其踴躍入社。絡繹不絕。如源之來草之發。而不可限者。則竊竊焉喜。然再觀乎社員入社之後。全不知社員義務者有之。須知社員義務而止圖塞責者有之。袖手旁觀日事尋罣者有之。曾不知愛社心之在抱。則戚戚然憂。噫強鄰之虎視。國事之垂危。志士之大聲疾呼。印度之前車。皆足驚心觸目。我同人竟對於一社尤亦不加之意耶。况茶樓酒肆。樂院戲場。一擲即過十錢。則視吾社之義務捐。應無吝也。讀書十年。才懷素抱。加以日閱報紙。耳聆新聞。正恨磊落之才。無從消涉。則對於吾社之研究書。豈肯讓人獨步乎。嗚呼。無大同心對於國家。則立見滅亡。對於都會。則終至貧瘠。無愛社心。臨于吾社。則卒至沈落不振。氣息奄奄。無飛揚騰達之一日。其關係如此。吾願與同人共勉之。

職員意氣之可慮

襄武

謂本社無人材乎。嚴格以選之。類厚重有爲士也。人材夫何患。謂本社有人材乎。予所不忍言。人材也。自人材也。非本社之人材也。何也。身不自由者半。不事本社之事者亦半。身不自由者。無如何矣。不事本社之事者。冷於社會之觀念。而擬於放棄者也。吁。觀歷屆本社之選舉。有餘慨矣。一人而當選兩職者有之。一人而聯任者比比也。雖熱心毅力。羣焉與之。於以見社員之不熱心不毅力者。必其餘矣。其然耶。其不然耶。是殆身不自由焉耳。是本社有人材而無任事之便焉耳。若是乎既舉任者。其能任事與否。自由與否。必社員於未舉前熟籌而得之者矣。若是乎既舉任者。宜有各盡其責。促其進步。而慰社員之望矣。若之何迭有以互存意氣聞。鄙人於此。請得下

方針。彼不之聽。此又以難。由是爭意氣而廢舟事。舟乎舟乎。即不遇險而亦危矣。况危急存亡。爭於一髮。而反演此惡劇。若之何不危且溺哉。同舟共濟者。操舟以濟者。恐亦同此危亡。而乃以意氣之爭。以危以溺。失不綦重。訾議人非可也。以訾議人非而袖手聽之則不可。必也一面諫正其非。一面勇於舟事。斯為正當。指一方針可也。彼不聽而此以難。因成意氣則不可。必也一面和衷商榷。使知方針以正。一面向我方針進行。彼仍不聽。獨勉為其難。斯見沈毅。不然舟之未濟。內自訖爭。意氣取事。甚為諸君不取也。遠望羊石。我心孔憂。社而若此。謂我何求。舟之危兮。亦孔之尤。我所最愛敬之職員諸君乎。和衷所以共濟。尙念之哉。鄙人忝任撰述。亦職員之一份子。願與諸君共勉之。

商業調查

新衣行之冷淡

雲 臺

昨閱某報所載。佛山新衣一行。向有洋庄生意。極形暢銷。自車衣盛行。該行銷路頓少。近年閉歇者。不下十餘家。今年洋庄生意。未見開辦。市面銷場。僅得往年之半云。

雲臺按 洋貨自輸入內地以來。價廉貨美。久為購買者所歡迎。更兼近日風氣大開。以穿西裝革履為趨尙。所以舊日之新衣店。安得而不冷淡哉。由此推之。不止佛山如是。即省城何嘗不如是。即各埠頭亦何嘗不如是。且不止新衣一行而已也。即推之鞋舖。帽舖。布正舖。磁器舖。蘇書坊舖。亦莫不如是。喜新厭舊。人之常情。優勝劣敗。天演公理。洋貨銷多一件。即土貨銷少一件。利權外溢多一分而已。我不能禁人之用洋貨。只有振興工藝。自製土貨。以止其輸入而已。今維新不過數年。其冷淡已經如此。

遲數年又當何如也。敬告執此業者。宜即速行變通。不宜保守舊法。以期挽回外溢也可。

佛山商業之起色

查該鎮土貨。往日以鐵釘。紙料。炮竹。金花錫薄。布疋。爲大宗。自洋釘。洋紙。正頭。種種洋貨入口。土貨半歸劣敗。惟金花炮竹錫薄。無外貨攙奪而已。餘如故衣。綢緞藥材及各種雜貨。均以省港購買較易。價亦畧平。多設支店。由省港販運。惟出口之油糖穀米竹木。與及種種雜貨。仍多載至禪發行者。此則近日該鎮商務之大概情形也。

又油豆一行共數十家。惟近年多有虧折。紛紛倒閉。故一鎮之內。祇存十餘間。聞昨年油豆異常豐收。牛庄等處販運來粵省。絡繹不絕。因此貨價低跌。鎮內市面暢銷。生意大有起色。故操是業者。多以屯貯居奇。前歲咸獲大利云。

銀行生意。比省地畧小然西北匯兌。多由佛山。匯水甚好。每千兩有津貼匯水兩亦至十餘兩不等。故銀號於兩江。多設支店以爲照應。且兩江利息。比禪稍高。風潮亦少。聞多獲利。至昨年各號。亦均根穩。歲底如華興倒撻各行。巨款。至二十餘萬兩。裕泰倒撻二萬餘兩。銀行亦祇占四分之一云。

平碼行通鎮計共九家。專代西江商號。行發油糖穀米等貨。通行生意約計三四百萬兩。已西兩江來貨。比上年多五份之一。販運各商。均獲厚利。故放盆更易。聞該行有七家。甚爲獲利。餘兩家則亦平常云。

(贊武按)二十世紀。現成一商戰競爭最劇最烈之新世界。天特闢一競爭之局。待人之爭自存。而人深知其訣。而處處只貪商市。不務爭地爭城。惟中國則素輕商。務

而不稍加之意。故自長江開埠。二十七口通商。歲耗金銀。漏出外洋。如水之趨壑。數十年來。江河日下。工商困難。使吾國幾有岌岌不終日之勢。而團體之散渙。如故。工藝之窳敗亦如故。而欲與工精商巧之深目高鼻輩。馳騁于商戰之大舞臺。不亦憂憂乎其難哉。且粵省爲瀕海之區。交通之門戶。早得風氣之先聲。而受商戰風潮之激刺。故外人經營我國。靡不注意于此。是以香港九龍澳門廣州灣諸地。而英法葡等國。各伸其勢力整頓已成通商口岸。其商業之盛遂爲各省之冠。獨佛山一埠仍屬內地。不入外人租界。亦爲全省之重鎮。考佛山商務。向以西北江爲絕大銷場。而西北江之貨。亦以佛山爲發行之總樞紐。自港梧省梧輪船開行之後。商務爲之中落。自三省支路行車之後。商務更日益凋零。蓋今日西江入口出口之貨。多與省港直接。即北江水道畧淺。無專輪來往。然亦附搭省港兩輪。至三水河口轉運。職是之故。商務遂有一落千大之勢。不料自近年來。各業日見起色。豈失之東隅。收之桑榆哉。古人有言曰七年之病。求三年之艾。而有志者事竟成。甚願我佛山同人其勉旃。則我粵省商務繁興庶乎有豸。

中國煤礦記略

雲臺選稿

中國煤礦之多。不減歐美西北諸部。往往於川流山脈中見之。即內地亦未嘗不星羅而棋布。惜貨棄於地。或以財力不足。或牽於堪輿風水之說。能從事開採者。其數寥寥。即開採矣。而又因公司中人。不明治礦之學。煉煤之術。成效亦不能著。其能成立一公司。而發達其礦產者。大都外人爲之主持。而利權皆非我有。茲就吾國各省之煤礦。而觀察其情形如左。

直隸

開平礦務局之礦師報告曰。開平礦煤田之面積約二十四英里。適合採取之煤

百噸以上。然觀該局於兩三年以來。每年能出一百萬噸之煤。足供給北清鐵路與輪船等之燃料而其運至上海以及各處。爲數亦當不少也。

江西

其次爲萍鄉之煤礦。其礦脈與所出之煤量略同。至於饒州南昌九江等府。亦有多數之小煤礦。其中最大者。乃德國礦師所經營之袁州府安源山煤礦。卽世界所稱之萍鄉煤礦是也。其坑可信其包含三兆餘噸之煤。比來一日出煤一千五百噸。聞漢冶萍煤鐵公司。新投資本銀七百四十七萬兩。擬擴張搬運。特備火車輪船。專理輸送。其計畫成後。則一日可出煤三千噸。合之一年。乃有九十萬噸焉。

山東

膠州灣開設之清德礦務公司在青濟鐵路沿道之中。已開三坑矣煤質頗良。比來一日可出五百噸之數。其餘如博山礦。今已掘至第三層。一日出煤。能達一千五百噸。而濰縣坊子礦。今已掘至第二層。煤質亦良。將來必厚獲。淄川礦。雖有人爲之採掘。然開至第三層之際。泉水噴出。人遭其災。財亦破耗。此公司中並有造煉煤斤之工廠。且置備最新式洗滌煤炭之機器。於一點鐘內。能洗出一千五百噸之煤數焉。

河南

北京某氏。在汴省(即河南)開辦一礦。四年前。因水浸入。成績不良其後乃發見煤脈甚旺。遂於去年在漢口。驟增其煤之價值。

湖北

揚子江上流。英商麥堅治公司所經營之湖北龍玉洞煤礦。出煤之額。不能如前年之盛其在沙市上流。及宜都縣清江河上流。產出之無煙煤。漸次興盛。但能得輕便之機器。使龍玉洞之煤。運至漢口。則長江各處之煤。必大受其影響也。

湖南

該省煤礦。亦不純於西北諸省。惜僅少數土人。以手足之力爲之採掘。其煤亦頗

不粗。然欲其煤業之發達。則非改良開採不爲功。今日所以無甚起色。未始不由於此也。

山西 晉省礦務公司。雖向外人收回開礦權。然至今尙未聞該公司之開辦。但見其產出之焦煤。依附太西鐵路之火車。陸續運至天津而已。

奉天 滿洲之煤礦。其已開採者。均落於日人之手。土人所自採之煤斤不足與之爭。且亦非山東開平之煤可比。曩者英國駐請商務道。報告政府。謂今日滿洲煤斤。所以不允運至牛莊者。皆因其礦出煤之全額。除供南滿鐵路及沿途人民燃料之外。更無餘力。足以運至他處耳。

廣東礦產調查表

雲臺筆記

雲臺曰。吾粵扼南方之要衝。介溫熱一帶之間。氣勢蜿蜒。蘊蓄宏富。惜乎貨棄於地而不取。利權遂致爲人所有。至是則粵人困苦已極矣。賭業日盛。抽捐繁興。賠款練兵報効餉之所需。狼官虎吏之朘削仍視吾粵爲俎肉。負擔力既憊。生利事業之經營。因之業隳。幸吾粵素以殷富稱。而又有作工於美洲澳洲檀香山菲律賓賓及太平洋羣島者。每歲以其所蓄之備資。輸入本省。不下二三千萬計。故於國際貿易。雖漏卮雖鉅不爲病。至今則時變勢遷。迥非昔比矣。外則受人虐待。內則無政府保護。華僑之營生海外者銳減。外資之輦歸日絀。而外人之輸入熟貨。擴充於吾粵。而捆載所贏以去者。其增進率日益速。吾民至是靡論爲農者工者商者。均咨嗟歎息感憂無已。巨富之家。降而中產。中產之家。降而下工。匪惟若前陶制軍所言民窮財匱已也。蓋岌岌然有不可終日之勢矣。於此而猶欲復回經濟力。將奚術爲。非認真講求實業不可。漢書貨殖傳有云。白圭富國。計然強兵。實業有關於富強。我同人爲漢族之一份子。若何而收回利權。若何而振興實業。是亦研究之一大

問題也。今如左列之調查表。就已發見或開採者畧表之。倘有他處未經勘驗。或一時調查未及者。猶望同人隨時指示幸毋以無謂之虛文而忽視之。庶幾於廣東實業界之前途。未始不多得一助力焉。願以質之於留心實業者。

地名

番禺縣屬牛角嶺

番禺縣屬金利司大嶺地方

番禺縣屬鹿步司黃邊村

番禺縣屬下崗村

番禺縣屬石馬鄉

花縣屬飛鼠巖雙石寮小烏石等處

花縣屬山下嶺縱約五里樓約三里

龍門縣屬上坪山

龍門縣屬牛井逕麻榨龍華等處

新安縣屬深井大斜山相連牛寒山

新甯縣屬牛牯障山靈山雨處

新安縣屬大嶼山城門涌橫坑山缸瓦艇等處

東莞縣屬馬鞍山

礦產

煤

煤

煤

煤

煤

石

煤

銅錫

煤

煤

油煤

鉛

鐵

協 羣 商 業 研 究 書

五月初十日出版第五十三期

(十四)

清遠縣屬池水地方

清遠縣屬浸潭

曲江縣屬嶺老頂山

增城縣屬白雞巖東帽峯山之上百餘里

四會縣屬冷水坑平山地處

曲江縣屬望天嶺等處

增城縣觀音山脚等處

番禺縣屬慕德里司夏茅鄉

陽江屬之龍洞池地方及田畔墟等處

乳源縣屬官村

高要縣屬降下地方

高要縣屬西坑霞廠兩處

高要縣屬雙保頂地方

高要縣屬天資崗地方

富川縣屬小狗嶺等處

歸善縣屬稔山范和崗等處

歸善縣屬三洲霞坑

金

硫磺

錫

金

鉛

煤

金

金

金

煤

錫

銅鉛

鉛

煤

煤

金銀銅鐵錫

煤

歸善縣平海東北西北兩方諸山

又平海東北之鹹水湖

連山廳屬深涌芙蓉山

欽州防城之黃藤嶺

欽州稔子坪

潮屬大埔古樹堡及洲田鄉文祠附近

開建縣屬下涌流地方

嘉應州屬南障山及官山

詩 界

自印度鶯粟流入內地志士嫉之若仇而庸人甘之如飴不但犧牲金錢且直犧牲性命鳩
 毒流傳懼將滅種可為悼嘆尤有異者香閨少婦繡閣離姬竟令粉黛半作骷髏香花別成
 臭味臨崖勒馬覺岸回頭非具風根持定力不能跳出此魔障也僕適舊恙初痊傷時難寐
 因作阿芙蓉詩十首以作黑籍者之當頭棒何如噫孽海茫茫安得十萬恒河沙為若輩消
 腸滌胃邪言之酸鼻羅者足戒願黑籍毋負此錚言 癡珠後身養初未是草
 天下誰人不識儂。生香小字喚芙蓉。蕙蘭質賦原芬馥。荳蔻胎含比豔穠。福命自憑青
 帝造。嬌身曾受紫泥封。等閒幼化為雲女。遊遍巫山十二峯。

石 子 金 鉛 錫 煤 金 金 煤

肌膚滑膩軟於綿。似漆如膠絕可憐。儒性依人離復合。柔情截水斷還連。豎熬玉色芳容靚。黑牡丹妝素貌妍。掌上身輕飄欲化。多應儂是步非烟。

罌粟春深樹樹花。芙蓉城裏是儂家。紗窓粉壁迴塘小。藤架芭籬遠屋斜。過訪每停公子馬。載歸翻恨使君車。別來鶻地思同伴。姊妹行中薯綠華。

飄流南北又東西。苦怨兒家命不齊。弱負迭罹商估鬻。離魂還仗主人攜。舊時生長嬌如玉。今日消磨賤若泥。默默自傷愁永夜。三更燈火五更鷄。

蟬鬢鴉鬟片片雲。集將荷葉作羅裙。柳腰沒骨難禁立。蘭麝生肌詎用薰。戲耍花槍非演武。閒耽吟詠學修文。儘逢強暴龔豪輩。能使溫柔到十分。

冶遊汁漫自嬉娛。迹遍三江與五湖。箇箇愛同懷裏玉。家家憐比掌中珠。芙蓉主宰曾親侍。花蕊夫人是故吾。嫁得仙郎難割別。沈香長熱博山爐。

曾記仙娥吳綵鸞。授儂金訣煉瓊丹。紅泥玉斗鴛鴦檣。朱火銀缸翡翠盤。引鳳簫吹聲在竹。團龍篆吐氣如蘭。煙霞供養深閨裏。暮暮朝朝絕粒餐。

檀郎憔悴臥牙床。瘦到腰肢學沈郎。似詐病容貪果餌。爲餐秀色厭膏粱。非關灌頂醒醐醜。慣作迷香軟蝶狂。顛倒晨昏緣愛妾。長年思住黑甜鄉。

冰簟湘簾淨拂埃。窓前睡起海棠開。資伊談笑憑君算。欸客溫存倩妾陪。轉促小紅頻勸茗。休驚太白懶銜杯。人間烟火原滋味。莫道神仙不食來。

曇花貝葉證前因。金粟如來子弟身。藥竊長生懷月姊。絮飄無着望天親。烏泥沾染非君子。黃土沈埋化美人。記講塵寰烟瘴劫。家山回首百餘春。